



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 75. Agitur de Austriæ statibus Ferdinando Cæsaris Fratri cedendis,
deque ejus connubio

[urn:nbn:de:hbz:466:1-66414](https://nbn-resolving.org/urn:nbn:de:hbz:466:1-66414)

tus est, & ipse Carolus primæ coronatio- Sæcul. XVI.
 nis suæ solemnia celebravit, ac Caroli A.G. 1520.
 Magni diadema suscepit: cum vero in
 Diœcesi Leodiensi, cui Aquisgranum sub-
 jacet, eo die nulla festivitas incideret,
 quæstio movebatur, an præter diem fe-
 stum, vel Dominicum ejusmodi solemnia
 feriali die decenter celebrari possent, fa-
 cili tamen negotio Episcopus dubium dis-
 solvit, hunc diem per totam urbem pro
 festo habendum esse decernens, idque a
 cunctis S. R. I. Electoribus, Principibus,
 ac Proceribus ad hæc solemnia confluen-
 tibus ratum habebatur.

§. LXXV.

*Agitur de Austriæ statibus Ferdinan-
 do Cæsaris fratri cedendis,
 de ejusque connubio.*

Altera die solemnitas alia non minus
 magna agebatur; Imperator
 enim solio suo insidens, cunctisque cæ-
 sareæ dignitatis insignibus ornatus Fer-
 dinando fratri suo Hispaniæ Infanti om-
 nes, quotquot a Philippo Patre suo hæ-
 reditario jure acceperat, Germaniæ sta-
 tus cedebat, præsentibus cunctis Ele-
 ctoribus, Principibus, aliisque Magna-
 tibus, cujus cessionis nomine Ferdinan-
 dus Austriæ Archidux salutabatur. Po-
 stea Imperator adhuc in Throno sedens

Sæcul. XVI. Uladislai Hungariæ & Bohemiæ Regis,
 A.C. 1520. Legatos excepit, quibus datum erat ne-
 gotium, ut nuptias conciliarent inter Fer-
 dinandum, & Annam Elisabetham, quæ
 Hungariæ Regis filia, ac Ludovici, junio-
 ris dicti, soror erat.

§. LXXVI.

*Comitia generalia Wormatiæ a Cæ-
 sare indicta.*

*Steidan. in
 comm. l. 2.
 p. 58.*

Biduo post Carolus V. ad diem vigesi-
 mam primam Januarii anni sequen-
 tis comitia generalia Wormatiæ celebra-
 da indixit, haud contentus, quod hanc
 in rem encyclicas ubique literas expediif-
 set, ipse quoque cunctos Germaniæ Prin-
 cipes impense rogavit, ut ipsimet eo ac-
 cedere haud gravarentur, ac quantum
 in ipsis esset, hunc conventum numero,
 atque auctoritate celebrem redderent.
 „ Deliberandum nobis est, inquit Impe-
 „ rator, de summi momenti negotiis, a-
 „ gitur de tollendis perturbationibus,
 „ quibus Germania vacante abhinc Im-
 „ perio agitur; præcipue vero religio-
 „ nis causa nobis tuenda, ac ingentibus,
 „ quorum vel occasio vel causa Lutheri
 „ doctrina, atque auctoritas extitit, tu-
 „ multibus remedium ponendum est. „

§. LXXVII.